

L
O
M
I
L
A
N
T
A

Lès 6 pa Febrüari 10, 2024







“Pa motibu di e
opreshon di e
pobernan, pa motibu
di e kehamentu di
esnan den nesesidat,
lo Mi lanta awor,”
*Señor ta bisa; 'Lo Mi
pon'é den e siguridat
pa kual é ta anhelá”*
(Salmo 12:5)

Ora ku tempu duru òf inhustisianan rondoná e salmista, é ta sklama, “ Lanta, Yehova” (Salmo 3:7; 7:6; 9:19; 10:12; 17:13; 35:2; 44:26; 74 :22; 82:8; 132:8).

Den kara di e sklamashon, Señor ta lanta manera un guerero pa defendé esnan sin defensa (Salmo 12:5); i pa huzga i salba “ esnan umilde di e tera ” (Salmo 76:9).

Dios tambe tin un limite determiná pa lanta for di Su lugá den e Santuario pa ehekutá Su rabia – Su “trabou straño” (Isa. 28:21) – i tene miserikòrdia di Su pueblo (Salmo 102:13).



AnaMendezFerrell.com

➡ **E Guerero (Salmo 18).**

➡ **Hustisia :**

❖ **Hustisia divino (Salmo 41).**

❖ **Hustisia humano (Salmo 82).**

➡ **E huisio :**

❖ **Rabia divino .**


❖ **E Santuario (Salmo 99).**

E GUERERO

" El a librami di mi enemigu poderoso, i for di esnan ku tabata odiami: Pasombra nan tabata muchu fuerte pa mi " (Salmo 18:17)

Dios tin e poder pa defendé nos? Naturalmente (Salmo 18:2).

Nos por mira Dios manifestando Su mes como un guerrero corriendo un kabai; kousando e tera pa tembla i lantando huma i kandela den Su vigilia; paralisando e enemigu ku Su bos poderoso; huzando e forsana di naturalesa como Su flechanan; i asina librando esnan kende ta sklama na djÉ (Salmo 18:7-18).



Ounke E tabata un guerrero Kende tabata kustumbrá ku bataya, David nunka a konfia su propio forsa, su intelegensia, òf su abilidat pa maneha armanan. E tabata debe tur su viktorianan na Dios, Kende semper a bringa p'é (Salmo 18:47-48).

E determinashon i magnitud transparente di Dios Su akshon lo mester kore ku kualquier duda tokante di Dios Su gran kuido i kompashon pa esnan ku ta sufri òf tokante Su abiidat pa derotá maldat. Nos djies mester warda p'É hasi esaki.





HUSTISIA

HUSTISIA DIVINO

" Pa e opreshon di e pobernan, Pa e kehamentu di esnan den nesesidat, awor lo Mi lanta, Señor ta bisa; Lo Mi pon'é den siguridat for di esun ku ta supla riba djé " (Salmo 12:5)




E Beibel ta hasié masha klaku Dios no ta tolerá inhustisia. Si esnan den nesesidat òf esnan oprimí sklama na Dios, E ta lanta pa duna nan hustisia (Salmo 12:5).

Ora é tabata sinti vulnerable i malu, I su propio amigunan sekretamente tabata deseja pa su morto, David a sklama na Dios. (Salmo 41:7-9). Konfesando su propio indignitat, el a laga su caso den e mannan miserikòrdioso di Dios, konfidente(sigur) ku E lo tend'é (Salmo 41:4, 11-13).

Dios Su aktitut pa ku esnan den nesesidat ta yama nos pa sinti e mesun manera, esei ta, nos mester kuida pa nan. Señor ta rekompensá esnan kende tin e aktitut aki (Salmo 41:1-3).

Nos mester lanta kontra di opreshon, no dependiendo riba nos sabiduria òf abilidat, pero riba e sabiduria I poder di Dios.

Solamente É por aktua hustamente. Dios lo huzga tur maltrato, komo tambe negligensia i den yuda esnan oprimí (Mat. 25:31-46).








HUSTISIA HUMANO

" Defendé esnan pober i e wérfano: hasi hustsia na esun afluxí i esun den nesesidat "
(Salmo 82:3)

Dios a delegá e abilidat pa huzga na e lidernan di e pueblo, ku e rei siendo e hues prinsipal di Israel (Salmo 72:1-2). Esnan kende t huzga dor di delegashon divino ta wòrdú yamá “diosnan” (Salmo 82:1).

E delegashon aki ta bai mas ayá di e pueblo di Dios. Kada un kende tin e abilidat pa huzga, ta hasi asina dor di outoridat divino, asta si nan no ta rekonosé esaki (Juan 19:10-11; Rom. 13:1).

E outoridat ku nan ta risibi ta hasi nan responsabel na Dios pa e manera ku nan ta atministrá hustisia (Salmo 82:2).



Dios ta indiká e manera den kual un hues humano mester huzga (Salmo 82:3-4). Si nan hasié korektamente, nan ta wòrdú konsiderá “yiunan di e Todopoderoso(Haltísimo)” (Salmo 82:6). Sino, nan mes lo kai bou di huisio divino (Salmo 82:7-8).

E
HUISIO(PRUEBA)

E RABIA DIVINO

“ Basha Bo indignashon riba nan, i laga Bo rabia furioso poderá di nan “ (Salmo 69:24)



Kon nos lo por harmonisá e palabranan di Salmo 137:9 – “ Kontentu lo é ta, ku ta gara i ta dal(spat) e yiunan chikitu kontra di e baranka ” – ku Hesus Su petishon pa stima asta nos enemigunan?

E salmonan ku ta roga pa Dios tuma vengansa i basha Su rabia riba hendenan ta kruel(severo) i ta konfundí. Spesialmente ora ku nos tin den nos mente nos propio rabia i nos propio manera di tuma vengansa.

Sinembargo, e salmista nunka ta tin intenshon pa tuma vengansa riba su mes. Laga e akshonnan ei pa Dios, pasombra solamente Dios por hasi berdadero hustisia, i duna hende nan pago meresí pa nan akshonnan.




Inspirashon a laga e palabranan aki asina ku nos por mira klaramente ku bon i malu no por wòrdu tumá liheramente (levemente). Maldat tin su konsekuensianan, i e rabia di Dios ta wòrdu manifestá como e úniko medio pa esaki su kitamentu.

E SANTUARIO

“ Te ora mi a drenta den e santuario di Dios; E ora ei mi a komprendé nan fin ” (Salmo 73:17)


E Santuario Selestial ta konektá di serka ku e Huisio. Den e Lugá Santísimo, kaminda Señor ta reina “ sintá riba kerubin ” (Ps. 99:1), e trabou di huisio ta wòrdú hasí (Dan. 7:9-10).



Esaki ta e lugá kaminda e pordon pa piká i e restorashon di hustisia ta tuma lugá. Esaki ta impliká tantu e apsolushon di esnan kende ta kologá na e Salvador i e kondenashon di esnan kende a rechas’É (Salmo 1:5-6).

Mes klaramente simbolisá den e arka di e testimonio, e Huisio ta basá riba e kumplimentu òf violashon di Dios Su Lei, e Dies Mandamentunan.

Sigur di pordon divino, Dios Su sirbidónan ta anhela pa e ora di Huisio, i ta sklama pa esaki su yegada asina ku hustisia lo por wòrdú kumplí por fin (Salmo 7:6-8; 9:19; 67:4; 99:4; 135 :14).



“ Manera e bog den e nubia ta wòrdú formá dor di e union di e lus di solo i e yobida, asina e regenbog ku ta sirkulá e trono ta representá e poder di miserikòrdia i hustisia kombiná. No ta solamente hustisia ku mester wòrdú mantené; pasombra esaki lo deslusí e gloria di e regenbog di promesa ariba di e trono; hende lo por mira solamente e kastigu di e lei. Si no tabatin ningun hustisia, ningun kastigu, lo no tin ningun stabilitat na e gobiernu di Dios. Ta e mesklamentu di hustisia i miserikòrdia ku ta hasi salbashon kompleto.”